



UNIVERSITÄTS-  
BIBLIOTHEK  
PADERBORN

## **Hortulus Biblico-Moralis Et Asceticus**

**Pappus von Tratzberg, Franz**

**Ulm, 1725**

Doctrina 4. Desumpta ex cap. 12. lib. Exodi, in quo describitur mandatum  
de Agno paschali & modo illum comedendi atque secuta cædes  
Primogenitorum.

---

[urn:nbn:de:hbz:466:1-61252](#)

levandos pauperes , in augendum Ecclesiæ ornatum. Moderate divitiis pariter utitur , qui earundem jacturam non tristit fert animo , Jobum imitan<sup>s</sup> ditissimum , qui perditis gregibus & armentis , tam æquò semper fuerat animo , ut exclamaret. Dominus dedit, Dominus abstulit, sicut placuit Domino , ita factum est : sit nomen Domini benedictum . Hunc secutus Seraphinus Franciscus , cum ex patre , quasi in rabiem acto , audiret : privandum se fore hæreditate , etiam pallium dimisit , afferens : sibi , rebūs omnibūs orbato , ansam offerri , ardenter precandi : Pater noster , qui es in Cœlis . S. Bernardus etiam Jobe hac in parte æmulus , cum ducenta argenti pondo sibi , ad impensa construendi Monasterii missa , audisset , à prædonibus & grassatoribus intercepta , gratias Deo retulit. Ut taceam Elisabetham viduam Thuringia Principis , quæ defunctō maritō à propinquis electa , rebūs suis spoliata , exulem miseram cuim parvis liberis agebat , ea tamen patientiā & liberā mente , ut à patre suo Pannonia Rege accersita , Conradō teste in ejus vita , ire recusaverit , invicta Constantiā suam inopiam latura.

Cæterū perpende : quanta Deus media arripiat : ut iisdem induratum peccatoris pectus emolliat salutari timore , & mediante hoc ad pœnitendum disponat : Quando enim sensit , Pharaonem tot immisis plagiis nondum resipuisse ; jam extremum , & cæteris omnibus terribilius medium (necem videlicet omnium primogenitorum Ægypti) per Moysen comminabatur. Quanta ergo est malitia peccatoris , quæ talibūs non superatur mediis ? si teste Cassiodorō non habet venia locum , qui admonitus delinquit : ò quam horrenda , meretur pœnas in Tartaro ferendas , qui frequentibūs etiam signis ad pœnitentiam instigatus , pœnitere recusat ? imo in malitia de die in diem crescit ?

## Doctrina 4.

*Desumpta ex cap. 12. lib. Exodi , in quo describitur mandatum de Agno paschali & modo illum comedendi atque secuta cedes Primogenitorum.*

N. 92. Considera : **A** Num Eucharisticum , cuius typum exhibuerat Agnus ille paschalis veteris testamenti , spectandō senium moralem , eodem modō comedendum , quem Judæis dictante Dcō præscripsit Moyses de comedendo Agno paschali. Utendum ergo lactu-

Iactucis agrestibus, de quibus meminit S. Greg. M. homil. 22. in Evangelia: dicens. *Quod corpus Redemptoris accipientes, nos pro nostris peccatis in fletibus affligamus.* Christus Dominus Matth. 14. datus panes, quæs turbæ reficerentur, prius voluit sanari ægrotos, non enim poterant ut ægroti vesci istis panibus. Quod autem prævium requirebat in turbis, panem materialem accepturis, hoc requirit in illis, qui spirituali hœc pane reficiendi sunt; ut nempe prius ad sanitatem ægrotantis animæ per amaras, sed salutares lactucas poenitentiæ redeant. quando Numeri 11. manna pluebant Cœli, Ros pariter descendit: ut Rore prius perfusi Israëlitæ abluerentur à sordibus, antequam cœlesti fruerentur sacerdote sponsa in Canticis priusquam invitaret ad potum & cibum amicos, dicendō: *comedite amici & bibite, & inebriamini charissimi.* Cant. 5. Audita est hæc verba præmittere: *Messui myrrham, ostensura per hoc: refectionem animæ per cibum & potum Eucharisticum faciendam, præcedere debere amaram & lacrymosam poenitentiam.* Neque etiam Josias Rex umbraticum illud Pascha citius fieri voluit, quam universam mundasset Judæam, superstitiosis ritibus, & contractis inde peccatis conspurcatam. *Quanta igitur, exclamat S. Ambros. orat. ante Miss. cordis contritione & lacrymarum fonte, quantâ reverentia & tremore, quantâ corporis castitate atque animi puritate illud divinum & cœleste Mysterium est celebrandum Domine Deus!* ubi caro tua in veritate sumitur, ubi sanguis tuus in veritate bibitur, ubi summis imis, humana divinis junguntur.

Ulterius comedere oportet Agnum Eucharisticum renibus accinctis, corpore videlicet à pollutione immuni, à motibus venereis libero, castis desideriis inflammato. Quantò possumus, hortatur S. August. Serm. 1. de temp. *Cum Dei adjutorio laboremus, ut cum sincera conscientia & mundo corde & casto corpore ad Altare Domini possimus accedere, & corpus & sanguinem ejus non ad judicium animæ nostre mereamur accipere.* Hinc & olim Christiani, singulis diebus hoc sacerdoti pabulō pasti manus lavabant, Templum ingressuri; vas ergo præforibus Ecclesiæ positum erat, aqua refertum, in cuius vicem nunc successere aquæ benedictæ, quibus se aspergunt fideles, ab internis animæ sordibus mundandi, ut tam casto corpore, quam anima sacra peragant.

Comedi pariter debet Eucharisticus Agnus assus igni cum magna videlicet erga Deum & proximum charitate: sicut enim reverè ipse est maximum in nos exercitæ charitatis signum, ita reciprocum a nobis



bis exigit amorem. Et licet pia mater Ecclesia cuilibet hunc agnum sumpturo imperet; ut suæ indignitatis memor, cum centurione exclamat reiteratis vicibus: *Domine non sum dignus, ut intres sub tectum meum.* Jubemur tamen baculo firmæ spei inniti, instar Zachæi cum gaudio tam benignum hospitem excepturi. Thronum Salomonis sustinebant duæ manus, hinc & inde tenentes sedile 3. Reg. 10. tales adumbrat thronus agnus Eucharisticus, gratiolas porrigena manus amicis, ut confidenter accedant, quin & voce animat, dum ait Matth. 11. *Venite ad me omnes, qui laboratis & onerati estis, & ego reficiam vos.*

Demum non leniè comedendus est, sed summa cum animi aviditate. Quare davidicò protestatur ore: *Edent pauperes, & saturabuntur.* Pauperes, quis nescit, esse homines famelicos, & hinc maximo cum gustu & appetitu appositis vesci cibis? quare etiam Deipara virgo, quæ hunc cibum virginali in utero coxit, cantat Lucæ 1. *Esurientes implevit Bonis.* Ô si tantò appetitu protoparentes nostri comedierunt fructum, sibi mortem allaturum, quomodo nos Christiani summâ cum aviditate involemus in panem, de quo dignè sumpto, certi sumus: consecuturos nos vitam. Joan. 6. dicente Christo. *Qui manducaverit hunc panem, vivet in æternum.* Porro sicut illà nocte, quâ abituri ex Ægypto Judæi comedederant Agnum paschalem, omnia Idola divinitùs diruta sunt: sic in anima, dum Sacro hoc pascitur Agnō, omnia Idola pravarum passionum & affectuum penitus evertenda sunt.



## FASCICULUS XVI.

### *Doctrinarum Moralium & Asceticarum.*

#### Doctrina I.

*Desumpta ex cap. 13. lib. Exodi, in quo describitur Lex de Primogenitorum consecratione.*

N.93. Considera I.

**Q**UOD Deus quemlibet Christianum manè surgentem per Sanctam Inspirationem alloquatur talibūs verbis, qualibūs in Exordio hujus capitilis fuerat Moy-  
sen